

四庫全書

集部

欽定四庫全書

御選歷代詩餘卷八十一目錄

起一百三字
至一百四字

西平樂

又一體

晁補之

安平樂慢

万俟雅言

長相思

又一體

柳永

二郎神

又一體

馬莊父

湘江靜

史達祖

曲游春

又一體

施岳

秋霽

曾紆

西江月慢

呂渭老

情久長

呂渭老

二首

霓裳中序第一

又一體

周密

詹正

羅志仁

應法孫

憶舊遊 又一體

劉將孫

雨霖鈴

柳永

前調 又一體

黃裳

前調 又一體

王庭珪

雙聲子

柳永

雙頭蓮

又一體

周邦彥

春從天上來

又一體

吳激

吳易

西湖月

黃子行

金盞子

又一體

吳文英

蔣捷

楚宮春

又一體

周密

龍山會

又一體

趙以夫
二首

澡蘭香

吳文英

春雲怨

馮艾子

王世貞

竹馬子

柳永

前調 又一體

葉夢得

綺羅香

張炎

看花迴 又一體

趙彥端 二首

征部樂

柳永

水龍吟 又一體

蔣捷

花心動 又一體

謝逸

趙長卿

李彌遜

劉鎮

高觀國

史達祖

吳文英

蔣捷

阮逸女

黃子行

張翥

劉基

前調

又一體

劉燾

長相思

又一體

袁去華

陽春

又一體

楊无咎

望遠行

又一體

柳永

向湖邊

江緯

清江裂石

屠隆

于未

迎新春

柳永

傾杯樂

又一體

柳永

瀟湘逢故人慢 又一體

王秋英

御選歷代詩餘卷八十一目錄

欽定四庫全書

御選歷代詩餘卷八十一

起一百三字
至一百四字

司經局洗馬掌局事兼翰林院修撰加二級臣王奕清奉

旨校刊

西平樂

又一體雙調
一百三字

西平樂

廣陵送王
仲赴闕

晁補之

鳳詔傳來絳闕當寧思賢輔淮海甘棠惠化霖雨商巖

吉夢熊虎周郊舊卜千秋盛際催促朝天歸去動離緒
空眷戀難暫駐新植雙亭臨水風月佳名未覩準擬
金尊時舉況樂府風流一部妍歌妙舞紫雲迴雪親教
與恨難訴爭欲攀轅借住功成繡袞重與江山作主

安平樂慢

雙調一
百三字

安平樂慢

都門池
苑應制

万俟雅言

瑞日初遲緒風乍暖千花百草爭香瑤池路穩閬苑春

深雲樹水殿相望柳曲沙平看塵隨青蓋絮惹紅妝賣
酒綠陰旁無人不醉春光 有十里笙歌萬家羅綺身
世疑在仙鄉行樂知無禁五侯半隱少年場舞妙歌妍
空妒得鶯嬌燕忙念芳菲都來幾日不堪風雨踈狂

長相思

又一體雙調
一百三字

長相思

柳永

畫鼓喧街蘭燈滿市皎月初照嚴城清都絳闌夜景風

傳銀箭露暖金莖巷陌縱橫過平康款轡緩聽歌聲鳳
燭熒熒那人家未掩香屏向羅綺叢中認得依稀舊
日雅態輕盈嬌波豔冶巧笑依然有意相迎牆頭馬上
漫遲留難寫深誠又豈知名宦拘檢年來減盡風情

二郎神

又一體雙調
一百三字

二郎神

柳花

馬莊父

日高睡起又恰見柳梢飛絮倩說與年年相挽却又因

他相誤南北東西何時定看碧沼青浮無數念蜀郡風
流金陵年少那尋張緒應許雪花比並撲簾堆戶更
羽綴游絲蘊鋪小徑腸斷鶉鴂喚雨舞態顛狂恨腰輕
怯散了幾回重聚空暗想昔日長亭別酒杜鵑催去

湘江靜

雙調一百三字
一名滿湘靜

湘江靜

史達祖

春草堆青雲浸浦記匆匆倦篙曾駐漁榔四起沙鷗未

落怕愁沾詩句碧袖一聲歌石城怨西風隨去滄波蕩
晚菰蒲弄秋還重到斷魂處酒易醒思正苦想空山
桂香懸樹三年夢冷孤吟意短屢煙鐘津鼓屐齒厭登
臨移橙後幾番涼雨潘郎漸老風流頓減閒居未賦

曲游春

又一體雙調

一百三字

曲游春

清明湖上次
周草窗韻

施岳

畫舸西泠路占柳陰花影芳意如織小楫衝波度麴塵

扇底粉香簾隙岸轉斜陽隔又過盡別船簫笛傍斷橋
翠繞紅圍相對半篙晴色頃刻千山暮碧向沽酒樓
前猶繫金勒乘月歸來正梨花夜縞海棠煙幕院宇明
寒食醉乍醒一庭春寂任滿身露濕東風欲眠未得

秋霽

雙調一百三字胡浩然作秋晴詞遂以名調又作
春晴詞亦名春霽但胡詞乃一百五字其有多寡
者皆後人所損益也

秋霽

曾紆

木落山明暮江碧樓倚太虛寥廓素手飛觴釵頭笑取
金英滿浮桑落鬢雲漫約酒紅拂破香顚薄細細酌簾
外任教月轉畫闌角當年快意登臨異鄉節物難禁
離索故人遠凌波何在惟有殘英共寂寞愁到斷腸無
處著寄寒香與憑渠問訊佳時弄粉吹花為誰梳掠

西江月慢

雙調一

百三字

西江月慢

呂渭老

春風淡淡清晝永落英千尺桃杏散平郊晴蜂來往妙
香飄擲傍畫橋煮酒青帘綠楊風外數聲長笛記去年
紫陌朱門花下舊相識 向寶帊裁書憑燕翼望翠閣
煙林似織聞道春衣猶未整過禁烟寒食但記取角枕
題情東牕休誤這些端的更莫待青子綠陰春事寂

情久長

雙調一百三字此調惟見呂渭老
二作並無別格或作百二字者悞

情久長

呂渭老

冰梁跨水沈沈霽色遮千里怎向我小舟孤楫天外飄
墜夜寒侵短髮睡不穩牕外寒風漸起歲華暮蟾光射
雪碧瓦飄霜塵不動寒無際 難咽荒郊夢也無歸計
擁繡枕斷魂殘魄清吟無味想伊睡起又念遠樓閣橫
枝對倚待歸去西牕翦燭小閣凝香深翠幙饒春睡

前調

呂渭老

瑣牕夜永無聊盡作傷心句甚近日帶腰移眼梨臉揮
雨春心償未足怎忍聽啼血催歸杜宇暮帆挂沈沈暝

色滾滾長江流不盡來無據 點檢風光歲月今如許
趁此際浦花汀草一棹東去雲牕霧閣洞天曉同作煙
霞伴侶笑誰見梅簾醉夢柳陌晴遊應未許春知處

霓裳中序第一

又一體雙調
一百三字

霓裳中序第一

周密

湘屏展翠疊恨入宮溝流怨葉銀釭冷金花暗結又鴈
影帶霜蛩音淒月珠寬腕雪歎錦箋芳字盈篋人何在

玉簫舊約忍對素娥說
愁絕衣砧幽咽任帳底沈煙
漸滅紅蘭誰採贈別悵洛浦分綃漢皋遺玦舞鸞光半
缺最怕聽離絃乍闌凭闌久一庭香露桂影弄棲蝶

前調

羽士文室
宣和古鏡

詹正

一規古蟾魄瞥過宣和幾春色知那箇柳鬆花怯曾搓
玉團香塗雲抹月龍章鳳刻是如何兒女消得便孤了
翠鸞何限人更在天北
磨滅古今離別幸相從薊門
仙客蕭然林下秋葉對雲淡星疎看青影白佳人已傾

國漫贏得癡銅舊畫興亡事道人知否見了也華髮

前調

四聖觀

羅志仁

來鴻又去燕看罷江湖收畫扇漫湖曲雕闌倚倦正船
過西陵快篙如箭淩波不見但陌花遺曲淒怨孤山路
晚蒲病柳淡綠鎖深院離恨五雲宮殿記舊日曾遊
翠輦青紅如寫便面帳下鵲池荒放鶴人遠粉牆隨岸
轉漏碧瓦殘陽一線蓬萊夢人間那信坐看海濤淺

前調

和周草窗韻

應法孫

愁雲翠萬疊露柳寒蟬空抱葉珠簾捲流蘇寶結乍庭
戶嫩涼闌干微月玉纖勝雪委素紈塵消香篋思前事
鶯期燕約寂寞向誰說悲絕漏籤聲咽漸寒炆蘭缸
未滅良宵長是間別恨酒凝紅綃粉浣瑤玦鏡盟鶯影
缺吹怨笛西風數闋無言久和衣成夢睡損縷金蝶

憶舊遊

又一體雙調

一百三字

憶舊遊

劉將孫

正落花時節顚顚東風綠滿愁痕悄客夢驚呼伴侶斷
鴻有約回泊歸雲江空共道惆悵夜雨隔蓬聞儘世外
縱橫人間恩怨細酌重論歎他鄉異縣渺舊雨新知
歷落情真匆匆那忍別料當君思我我亦思君人生自
非麋鹿無計久同羣此去重消魂黃昏細雨人閉門

雨霖鈴

本唐明皇蜀歸曲也取
以名詞雙調一百三字

雨霖鈴

秋別

柳永

寒蟬淒切對長亭晚驟雨初歇都門帳飲無緒方留戀
處蘭舟催發執手相看淚眼竟無語凝咽念去去千里
煙波暮靄沈沈楚天闊多情自古傷離別更那堪冷
落清秋節今宵酒醒何處楊柳岸曉風殘月此去經年
應是良辰好景虛設便縱有千種風情更與何人說

前調

又一體

黃裳

天南遊客甚而今却送君南國西風萬里無限吟蟬暗
續離情如織秣馬脂車去即去多少人惜望百里煙慘

雲山送兩程愁作行色 飛帆過浙西封域到秋深且
樣荷花澤就船買得鱸鱖新穀破雪堆香粒此興誰同
須記東秦有客相憶願聽了一闋歌聲醉倒擽今日

前調

又一體

王庭珪

瑤樓玉宇滿人寰似海邊洲渚蓬萊又還水淺鯨濤靜
見銀宮如許紫極鳴簫聲斷望霓舟何處待夜深重倚
層霄認得瑤池廣寒路 郢中舊曲誰能度恨聲歌響
入青雲去西湖近時絕唱總不道月梅鹽絮暗想當年

賓從毫端有驚人句漫說向枚叟鄒生共作梁園賦

雙聲子

雙調一

百三字

聲子

柳永

晚天蕭索斷蓬蹤跡乘興蘭棹東遊三吳風景姑蘇臺
榭牢落暮靄初收夫差舊國香徑沒徒有荒丘繁華處
悄無覩惟聞麋鹿呦呦想當年空運籌決戰圖王取
霸無休江山如畫雲濤煙浪翻輪范蠡扁舟驗前經後

史嗟漫載當日風流斜陽暮草茫茫盡成萬古遺愁

雙頭蓮

又一體雙調
一百三字

頭蓮

周邦彥

一抹殘霞幾行新鴈天淅斷紅雲迷陣影隱約望中點
破晚空澄碧助秋色門掩西風橋橫斜照青翼未來濃
塵自起咫尺鳳幃合有人相識 歎乖隔知甚時恣與
同攜歡適度曲傳觴並鶻飛轡綺陌畫堂連夕樓頭千

里帳底三更盡堪淚滴怎生向總無聊但只聽消息

春從天上来

又一體雙調
一百三字

春從天上来

吳激

海角飄零歎漢苑秦宮隆露飛螢夢回天上金屋銀屏
歌吹競舉青冥問當時遺譜有絕藝鼓瑟湘靈促哀彈
似林鶯嚶嚶山溜泠泠 梨園太平樂府醉幾度春風
鬢髮星星舞徹中原塵飛滄海風雪萬里龍庭寫清笳

幽怨人憔悴不似丹青酒微醒一軒涼月燈火青燐

前調

吳易

有箇惺惺記雲韁春鬢波翦秋晴哀彈麗曲嘹唳流鶯
筆走錦字蛇驚憶挑燈丙夜翻青史評判豪英兩心期
待功成拂袖梅墅蓴汀 驀然江湖風景悵柳拂章臺
憔悴青青是耶非耶樓空人去夢語嗚咽悲凝縱成灰
心事多情債浩劫魂縈任飄零韋郎兩世杜牧三生

西湖月

雙調一

百三字

西湖月

黃子行

湖光冷浸玻璃蕩一晌薰風小舟如葉藕花十丈雲梳
霧洗翠嬌紅怯壺觴圍坐處正酒醪吹波潮暈頰尚記
得玉臂生涼不放汗香輕浹 殢人小摘牆榴為碎搗
猩紅細認裙摺舊遊如夢新愁似織淚珠盈睫秋娘風
味在怎得對銀缸生笑靨消瘦沈約詩腰彷彿堪捻

金盞子

又一體雙調

一百三字

金盞子

寓牕桂
花晚開

吳文英

賞月梧園恨廣寒宮樹曉風搖落莓砌掃蛛塵空腸斷
熏鑪燼消殘夢殿秋尚有餘花鎖煙牕雲幄新鴈又無
端送人江上短亭初泊籬角夢依約人一笑惺忪翠
袖薄悠然醉魂喚醒幽叢畔淒香霧雨漠漠晚吹乍顫
秋聲早屏空金雀明朝想猶有數點蜂黃伴我斟酌

前調

蔣捷

練月縈牕夢乍醒黃花翠竹庭館心字夜香消人孤另
幾鷓鴣被他羞看擬待告訴天公減秋聲一半無情鴈正
用恁時飛來叫雲尋伴猶記杏欏暖銀燭下纖影卸
佩款春渦暈紅豆小鶯衣嫩珠痕澹印芳汗自從信誤
青鸞想籠鸚鵡傳喚風刀快翦盡盡檐梧桐怎翦愁斷

楚宮春

又一體雙調

一百三字

楚宮春

牡丹

周密

香迎曉日看煙佩霞綃美女金谷倦倚畫闌無語情深
嬌足雲擁瑤房翠幙煖捲東風傾國半捻愁紅念舊遊
凝竚蘭翹瑞鸞低舞庭綠猶想沉香亭北人醉裏芳
筆曾題私曲浥浥露痕移取春歸華屋綠幃銀屏靜掩
悄未許鶯窺燕宿酒半闌重遶鴛機醉靨爭妍紅玉

龍山會

又一體雙調
一百三字

龍山會

九日
二首

趙以夫

佳節明朝九綵舫凌虛共醉西風酒湖光藍潤透雲浪
碎巧學波紋吹皺碧落杳無邊但玉削千峰寒瘦留連
久秋容似洗月華如晝 回頭南楚東徐暝靄蒼煙處
處空刁斗山公今健否功名事付與年時交舊白髮苦
欺人尚堪插黃花盈首歸去也東籬好在覓淵明友

前調

趙以夫

九日無風雨一笑凭高浩氣橫秋宇羣峰青可數寒城
小一水縈迴如縷西北最闌情漫遙指東徐南楚黯消

魂斜陽冉冉鴈聲悲苦
今朝寒菊依然重上南樓草
草成歡聚詩朋休浪賦舊題處
俛仰已隨塵土莫放酒
行踈清漏短涼蟾當午也全勝
白衣未至獨醒凝竚

澡蘭香

雙調一
百三字

澡蘭香

淮安
重午

吳文英

盤絲繫擊巧篆垂簪玉
隱紺紗睡覺銀瓶露井彩箋雲
牕往事少年依約為當時
曾寫榴裙傷心紅綃褪萼黍

夢光陰漸老汀洲煙弱
莫唱江南古調怨抑難招楚
江沈魄薰風燕乳暗雨梅黃午鏡澡蘭簾幙念秦樓也
擬人歸應翦菖蒲自酌但悵望一縷新蟾隨人天角

春雲怨

宋馮艾子自度曲其詞傷春感
昔故以怨名雙調一百三字

春雲怨

馮艾子

春風惡劣把數枝香錦和鶯吹折雨重柳腰嬌困燕子
欲扶扶不得軟日烘煙乾風收霧芍藥荼蘼弄顏色簾

幙輕陰圖書清潤日永篆香絕

盈盈笑靨宮黃額試

紅鸞小扇丁香雙結團鳳着心情郎貼教洗金壘共看
西堂醉花新月曲水澄空麗人何處往事暮雲萬葉

前調

王世貞

風傳雨慙漸柳眠無力花如中酒睡怯象牀寒峭幽夢
幾回渾不就燕搗華絃鶯調清管細譜新詞杜鵑噉行
路方難歸期無據愁與悶相守芳醪點出天公手解
翻寒作暖攏辰成酉枕畔華胥暫拖逗青眼朦朧一任

長門送來銀漏未舉尊前乍停杯後半刻也堪白首

竹馬子

子或作兒雙
調一百三字

竹馬子

柳永

登孤壘荒涼危亭曠望靜臨煙渚對雌霓挂宇雄風拂
檻微收煩暑漸覺一葉驚秋殘蟬噪晚素商時序覽景
想前歡指神京非霧非煙深處 向此成追感新愁易
積故人難聚憑高盡日凝竚贏得消魂無語極目霽靄

霏微斷鴉零亂蕭索江城暮南樓畫角又逐殘陽去

前調

又一體

葉夢得

與君記平山堂前細柳幾回同挽又征帆夜落危檻永
舊遙臨雲巘自笑來往匆匆朱顏漸改故人俱遠橫笛
想遺聲但寒松千丈傾崖蒼蘚世事終何已田園縱
在歲陰仍晚嵇康老來尤嬾只要蓴羹菰飯却欲便買
茅廬短篷輕櫂尊酒猶能辦君能過我水雲聊為伴

綺羅香

雙調一

百三字

綺羅香

張炎

候館深燈遼天斷羽近日音書疑絕轉眼傷心慵看刺
歌殘闋纔忘了還著思量待去也怎禁離別恨只恨桃
葉空江殷勤不似謝紅葉良宵誰見哽咽對熏鑪象
尺閒伴淒切獨立西風猶憶舊家時節隨款步花密藏
春聽怯語柳疎嫌月今休問燕約鶯期夢遊空趁蝶

看花迴

又一體雙調

一百三字

看花迴

趙彥端

注目正江湖浩蕩煙雲離屬美人衣蘭佩玉澹秋水凝
神陽春翻曲烹鮮坐嘯清淨五千言自足橫劍氣南斗
光中浩然一醉引雙鹿回鴈未歸書未續夢草處舊
芳重綠誰憶瀟湘歲晚為喚起長風吹飛黃鵠功名異
時圯上家傳謝寵辱待封留拜公堂下授我長生籙

前調

趙彥端

愛日報踈梅動意春前罇白晝棟曉開壽域度百和溫
磨霜華無力斑衣翠袖人面年年照酒色環四座璧月
瓊枝恍然江縣擬鄉國聞道撫東岩舊迹又殊勝謝
家清逸知與桃花笑了定何似青鳥層城消息他年妙
高峰上優曇會堪折擁輕軒未妨遊戲看取朱輪十

征部樂

雙調一
百三字

征部樂

柳永

雅歡幽會良夜可惜虛拋擲追念狂蹤舊跡長祇恁愁
悶朝夕憑誰去花街寬細說與此中端的道向我轉覺
厭厭夢役魂勞苦相憶須知最有風前月下心事始
終難得但願我蟲蟲心下把人看待長似初相識相逢
春色便是有舉觴消息待這回好好憐伊更不輕折

水龍吟

又一體雙調
一百三字

水龍吟

招梅魂

蔣捷

醉兮瓊瀼浮觴些招兮遣巫陽些君母去此颼風將起
天微黃些野馬塵埃汙君楚楚白霓裳些駕空兮雲浪
茫洋東下流君住他方些月滿兮方塘些叫雲兮笛
淒涼些歸來兮為我重倚蛟背寒鱗蒼些俯視春紅浩
然一笑吐幽香些翠禽兮弄曉招君未至我心傷些

花心動

又一體雙調
一百四字

花心動

謝逸

風裏楊花輕薄性銀燭高燒心熱香餌懸鉤魚不輕吞
辜負釣兒虛設桑蠶到老絲長絆鍼刺眼淚流成血思
量起拈枝花朶果兒難結海樣情深忍撇似夢裏相
逢不勝歡悅出水雙蓮摘取一枝可惜並頭分折猛期
月滿會姮娥誰知是初生新月折翼鳥甚日于飛時節

前調

客中見寄
煖香書院

趙長卿

風軟寒輕暗香飄撲面無限清楚乍淡乍濃應想前村
定是早梅初吐馬兒行過坡兒下危橋外竹梢踈處半

斜露花花蕊蕊燦然滿樹 一晌看花凝竚因念我西
園玉英真素最是繫心婉婉精神伴得水雲仙侶斷腸
沒奈人千里無計向釵頭頻覩淚如雨那堪又還日暮

前調

七夕

李彌遜

水館風亭晚香濃一番菱荷經雨簟枕乍閒襟裾初試
散盡滿軒裊暑斷雲却送輕雷去踈林外玉鉤微吐夜
未闌秋生敗葉暗催庭樹 天上佳期久阻星河畔仙
車縹緲雲路舊恨未平幽歡難駐灑落半天風露綺羅

人散金猊冷醉魂到華胥深處洞房悄南樓畫角自語

前調

劉鎮

鳩雨催晴遍園林一番綠嬌紅媚柳外金衣花底香鬢
消得豔陽天氣障泥步錦尋芳路稱來往縱橫珠翠笑
攜手旗亭問酒更酬春思還記東山樂事向歌雪香
中伴春沈醉粉袖殢人彩筆題詩陶寫老來風味夜深
銀燭明如晝待歸去看承花睡夢雲散屏山半熏沈水

前調

梅意

高觀國

碧蘚封枝點寒英踈踈玉清冰濕夢憶舊家春與新恩
曾映壽陽妝額綠衣青袂南鄰伴應怪我精神都別恨
衰晚春風意思頓成羞怯猶念橫斜性格惱和靖吟
魂自來清絕斜傍勁松偷倚修篁總是歲寒相識綠陰
青子當時意到如今苦心銷歇小橋夜清愁倦陪澹月

前調

史達祖

風約簾波錦機寒難遮海棠煙雨夜酒未蘇春枕猶敲
曾是誤成歌舞半褰薇帳雲頭散奈愁味不隨香去儘

沈靜文園更渴有人知否
嬾記溫柔舊處偏只怕臨
風見他桃樹繡戶鎖塵錦瑟空絃無復畫眉心緒待拈
銀管書春恨被雙燕替人言語意不盡垂楊幾千萬縷

前調

柳

吳文英

十里東風裊垂楊長似舞時腰瘦翠館朱樓紫陌青門
處處燕鶯晴晝乍看搖曳金絲綬青淺映鶯黃如酒嫩
陰裏煙滋露染翠嬌紅溜
此際雕鞍去久空追念郵
亭短枝盈首海角天涯寒食清明淚點絮花沾袖年年

折贈行人遠今年恨依然纖手斷腸也羞看畫應未就

前調

南塘
元夕

蔣捷

春入南塘粉梅花盈盈倚風微笑虹暈貫簾星毬攢巷
徧地寶光交照湧金門外樓臺影參差浸西湖波渺暮
天遠芙蓉萬朵是誰移到鬢鬢雙仙未老陪玳席佳
賓暖香雲繞翠簷叩冰銀管噓霜瑞露滿鍾頻酌醉歸
深院重歌舞琯盤轉珍珠紅小鳳洲柳絲絲淡煙弄曉

前調

阮逸女

仙苑春濃小桃開枝枝已堪攀折乍雨乍晴輕暖輕寒
漸近賞花時節柳搖臺榭東風軟簾櫳靜幽禽調舌斷
魂遠閒尋翠徑頓成愁結此恨無人共說還立盡黃
昏寸心空切強整繡衾獨掩朱扉簟枕為誰鋪設夜長
更漏傳聲遠紗牕映銀釭明滅夢回處梅梢半籠淡月

前調

落梅

黃子行

誰倚青樓把謫仙長笛數聲吹裂一片乍零千點還飛
正是雨晴時節水晶簾外東風起卷不盡滿庭春雪畫

闌小斜鋪亂颭翠苔成纈
嫋嫋餘香未歇空悵望音
塵兩着愁切翠袖淚乾粉額妝寒此恨有誰同說江南
春信無痕跡餘情在冷煙殘月夢魂遠蘭燈伴人易滅

前調

劍浦有感

張翥

花信風寒綺牕深匆匆禁煙時節燕子乍來宿雨才晴
滿樹海棠如雪黛眉準擬明朝畫燈花翦妝匣雙疊負
佳約鵲還悞報燕應羞說
寶鏡將圓又缺從澀盡銀
簧怕吹嗚咽一霎夢魂也喚相逢依舊斷雲殘月古來

多少春閨怨看薄命無人如妾軟綃帟憑誰寄將啼血

前調

劉基

牆下紅葵向斜陽猶開那時顏色半捲繡簾獨倚雕闌
淚眼為誰長滴九疑煙霧連蓬島蜚魚去渾無蹤跡舊
遊處空餘滿地綠苔堆積百歲真如過客待落蕊重
榮不知何夕鏡掩素塵香歇羅衣此恨怎生消得夜涼
月轉梧桐影青燈共踈螢寥寂正顚顚饑蟲又啼暗壁

前調

又一體
咏梅

劉燾

偏憶江梅有塵表丰儀世外標格低傍小橋斜出踈籬
似向隴頭曾識暗香孤韻冰霜裏初不怕春寒邀勒問
桃李盈門怎生向前爭得省共蕭娘去摘玉纖映瓊
枝照人一色淡粉暈酥多少飛來到得壽陽宮額再三
留待東君管都將那別花不惜但只恐高樓又三弄笛
長相思

又一體雙調
一百四字

長相思

袁去華

葉舞殷紅水搖瘦碧隱約天際帆歸寒鴉影裏斷鴈聲
中依然殘照輝輝立馬看梅試尋香嚼蕊醉折繁枝山
翠埽修眉記人人感黛愁時 歎客裏光陰易失霜侵
短鬢塵添征衣陽臺雲歸後到如今重見無期流怨清
商空細寫琴心向誰更難將愁隨夢去相思惟有天知

陽春

又一體雙調
一百四字

陽春

楊无咎

蕙風輕鶯語巧應喜乍離幽谷飛過北牕前迎晴曉麗
日明透翠幃縠篆臺芬馥初睡起橫斜簪玉因甚自覺
腰肢瘦新來又寬裙幅對青鏡無心忺梳裹誰問著
餘醒帶宿尋思前歡往事似驚回好夢難續花亭徧倚
檻曲厭滿眼爭春凡木儘顛顚過了清明候愁紅慘綠
望遠行

又一體雙調
一百四字

望遠行

柳永

繡幃睡起殘粧淺無緒勻紅鋪翠藻井凝塵金階鋪蘚
寂寞鳳樓十二風絮紛紛煙蕪冉冉永日畫闌沈吟獨
倚望遠行南陌春殘悄歸騎凝睇消遣離愁無計但
暗擲金釵買對好景空飲香醪爭奈轉添珠淚待伊遊
冶歸來故故解放翠羽輕裙重繫見纖腰圖信人憔悴
向湖邊

雙調一
百四字

向湖邊

江緯

退處鄉闕幽棲林藪舍宇第須茅蓋翠巘清泉啟軒牕
遙對遇等閒鄰里過從親朋臨顧草草便成歡會策杖
攜壺向湖邊柳外旋買溪魚便斫銀絲鱠誰復欲痛
飲如長鯨吞海共惜醺酣恐懼娛難再矧清風明月非
錢買休追念金馬玉堂心膽碎且鬪尊前有阿誰身在
清江裂石

雙調一
百四字

清江裂石

屠隆

淼淼重湖背郭斜
永日坐蒹葭
四面山青不斷樓閣外
亂水明霞有畫船
錦纜載詞客
金翹雜佩強半挾吳娃
水窮處長林古寺夏木綠陰遮
回首望空明白鷗隱
隱飛來帶一片輕沙
把酒問西湖
今來古往都不管興
亡舊恨年華與客權
扁舟聽取哀絃急
筑散髮弄荷花

前調

于未

忽見推簾起暮鴉
風逼小燈斜
又被打聽雪片呼奴問
可壓梅花有開釭
初試烏程酒
舉杯豪飲強半惜年華

縱博得玉壺香暖畢竟是天涯
渾一片雲山四圍隱
隱飛壘帶不起煙霞驢背歎行頻
壚頭暫醉料醒來孤蹤依舊塵沙
正醒醉含愁猛聽征鴻嘹唳哀怨
過誰家

迎新春

雙調一百四字

迎新春

柳永

嶰管變青律帝里陽和新布晴景回輕煦慶佳節當三五
列華燈千門萬戶徧九陌羅綺香風微度十里燃絳

樹鰲山聳喧喧簫鼓漸天如水素月當午
香徑裏絕
纓擲果無數更闌燭影花陰下少年人往往奇遇太平
時朝野多歡民康阜堪隨分良聚對此爭忍獨醒歸去
傾杯樂

又一體雙調
一百四字

傾杯樂

柳永

木落霜洲鴈橫煙渚分明畫出秋色暮雨乍歇小檝夜
泊宿葦村山驛何人月下臨風處起一聲羌笛離愁萬

緒聞岸草切切蛩吟如織
為憶芳容別後水遙山遠
何計憑鱗翼想繡閣深沈
爭知憔悴損天涯行客楚峽
雲歸高陽人散寂寞狂蹤跡
望京國空目斷遠峰凝碧
瀟湘逢故人慢

又一體雙調
一百四字

瀟湘逢故人慢


答韓夢雲

元女鬼

王秋英

春光將暮見嫩柳拖煙
嬌花帶霧頃刻間風雨把堂上
深恩閨中遺事鑽火留錫都付却
落花飛絮又何心擘

壘提壺闌草踏青盈路 子規啼蝴蝶舞徧南北山頭
紙灰綠醕奠一丘黃土歎海角飄零湘陰淒楚無主泉
扃也能得有情雞黍畫角聲吹落梅花又帶離愁歸去



御選歷代詩餘卷八十一

原書封面書名訛誤

欽定四庫全書

御選歷代詩語卷八十二
集部

詳校官中書臣潘有為

侍讀臣孫球覆勘

總校官進士臣朱鈐

校對官中書臣徐秉敬

謄錄監生臣張玟

欽定四庫全書

御選歷代詩餘卷八十二目錄

一百四字

歸朝歡

又一體

張先

柳永

蘇軾

辛棄疾

三首

馬莊父

嚴仁 三首

無名氏

詹正

吳子孝

憶舊遊 又一體

周密 二首

二郎神 又一體

柳永

春從天上來

又一體

王暉

張翥

齊天樂

又一體

衛元卿

霜花腴

吳文英

月中桂

趙彥端

水龍吟 又一體

葛立方

張孝祥 二首

前調 又一體

趙長卿

永遇樂

柳永

蘇軾 三首

晁補之 二首

解昉

周紫芝

葉夢得

趙師俠 二首

李綱

楊无咎

辛棄疾 二首

張元幹 二首

趙彥端

劉儼

黃機

高觀國

趙以夫

洪璚

吳文英 二首

蔣捷

任詢

危復之

前調又一體

馮琦

前調又一體

柳永

前調又一體

陳允平

御選歷代詩餘卷八十二目錄

欽定四庫全書

選歷代詩餘卷八十二

一百四字

司經局洗馬掌印事兼翰林院修撰加二級臣王奕清奉

校刊

歸朝歡

又二體雙調一百四字一名菖蒲綠

歸朝歡

張先

聲轉轆轤聞露井
曉引銀鉶牽素縷
西園人語夜來風

叢英飄墮紅成徑寶猊煙未冷蓮臺香蠟殘痕凝等身
金誰能得意買此好光景粉落輕妝紅玉瑩月枕橫
釵雲墜領有情無物不雙棲文禽只合長交頸晝長歡
豈定爭如翻作春宵永日曛曉嬌柔嬾起簾幙卷花影

前調

柳永

別岸扁舟三兩隻葭蕭蕭風淅淅沙汀宿鴈破煙飛
溪橋殘月和霜白漸漸分樹色路遙川遠多行役往來
人隻輪雙槳盡是利名客一望鄉關煙水隔轉覺歸

心生羽翼愁雲恨雨兩縈牽
新春殘臘相催逼歲華都
瞬息浪萍風梗誠何益問
歸期玉樓深處有箇人相憶

前調

蘇軾

我夢扁舟浮震澤雪浪搖空千頃白
覺來滿眼是廬山
倚天無數開青壁此生長接浙與君同是江南客
夢中
遊覺來清賞同作飛梭擲
明日西風還掛席唱我新
詞淚沾臆靈均去後楚山空
澧陽蘭芷無顏色君才如
夢得武陵更在西南極
竹枝詞暮徭新唱誰謂古今隔

前調

題鄭元英
尚友齋

辛棄疾

萬里康成西走蜀藥市船歸書滿屋有時光彩射星躔
何人汗簡雙言天祿好之寧有足請看良賈藏金玉記斯
文千年未喪四壁聞絲竹試問辛勤攜一束何似牙

籤三萬軸古來不作借人癡有朋只就芸牕讀憶君清
夢熟覺來笑我便腹倚危樓人間誰舞埽地八風曲

前調

題積
翠巖

辛棄疾

我笑共工緣底怒觸斷峨峨天一柱補天又笑女媧忙

却將此石投閒處野烟荒草路先生拄杖來看汝倚蒼
苔摩挲試問千古幾風雨長被兒童敲火苦時有牛
羊磨角去霍然千丈翠巖屏鏘然一滴甘泉乳結亭三
四五會相暖熱携歌舞細思量古來寒士不過有時過
前調

寄題眉山石林

辛棄疾

見說岷峨千古雪都作岷峨山上石君家右史老泉公
千金未盡勤收拾一堂真萬石閒庭更與天突兀記當
時長編筆硯日日雲煙濕野老時逢山鬼泣誰夜持

山去難覓有人依樣入明光玉堦之下巖巖立琅玕無數碧風流不數平泉物欲重吟青葱玉樹須倩子雲筆

前調

馬莊父

聽得提壺沽美酒人道杏花深處有杏花狼籍鳥啼風十分春色今無九麝煤消永晝青煙飛上庭前柳畫堂深不寒不暖正是好時候團團寶月憑纖手暫借歌喉招舞袖真珠滴破小槽紅香肌縮盡纖羅瘦投分須白首黃金散與親和舊且銜杯壯心未落風月長相守

前調

南劍雙溪樓

嚴仁

五月人間揮汗雨，離恨一襟何處去。雙溪樓下碧千尋，
雙溪樓上匏尊舉。晚涼生綠樹，漁燈幾點依洲渚。莫狂
歌，潭空月冷，慘慘瘦蛟舞。變化往來無定所，求劍刻
舟應笑汝。只今誰是晉司空，斗牛夾夾紅光吐。我來空
弔古，與君同記凭闌語。問滄波，乘槎此去，流到天河否。

前調

嚴仁

朱戶綠牕深窈窕，閃閃華旗紅桿小。相逢斜柳絆輕舟，

渚香不斷蘋花老西風吹夢草題詩未了還驚覺獨傷
心淒涼故館月過西樓悄樓外斜河低浸斗夜已如
何夜將曉心期欲寄赤鱗魚秋雲不動秋江渺相思千
里道多情直被無情惱玉臺前請君試看華髮添多少

前調

壽蕭禹平

嚴仁

雲表金莖珠璀璨當日投懷驚玉燕文章議論壓西廂
風流姓氏翔東觀紫皇嗟見晚祥麟五色留金殿大江
西銅章墨綬暫爾煩君綰十二金釵扶玉盞錦瑟摠

縱隨急管獸鑪烟動彩雲高秋聲拍碎紅牙板趣君歸
翰苑萊衣煥爛潘輿穩任方瞳從今看到弱水波清淺

前調

對雪追和東坡

無名氏

透隙敲牕風撼撼生見廣庭霜縞白長安道上正騎驢
蔡州城裏誰堅壁表表風塵物瑤林瓊樹三豪客對揮
毫連珠唱玉競把詩箋擲草草杯盤還促席痛飲狂
歌話胸臆前村昨夜放梅花東鄰休把誇容色清歡那
易得明朝烏轡升南極帶隨車黃壚咫尺莫作山河隔

前調

唐正

畫角西風轟萬鼓猶憶元戎談笑處鐵衣露重劍光寒
海波飛立魚龍舞匆匆留不住萬里玉關如掌路空悵
望夕陽暮靄人立灣傍渡木落山空人掩戶得似舊
時春色否鴈聲呼徹楚天低玉驄嘶入煙雲去無人憑
說與梅花淚老愁如雨猶記得巔崖如此細向席前語

前調

春雪

吳子孝

新歲郊原纖草碧陡然寒甚同雲密雪花如掌逐狂飈

冰漸似玉流香陌凍成天地白江山萬里都輝赫泛蘭
舟捲簾四望佳景真奇特江南二月非江北茂苑十
花當盡拆天公有意厭塵氛人間借作瑤臺色雲巖天
咫尺山頭老樹鴟翻日酒酣時登高能賦聊倩春風筆
憶舊遊

又一體雙調
一百四字

憶舊遊

寄王聖與

周密

記移燈翦雨換火篝香去歲今朝乍見翻疑夢更梅邊

攜手笑挽吟橈依依故人情味歌舞試春嬌對婉婉年
芳飄零身世尊酒趁愁消天涯未歸客望錦羽沉沉

翠水迢迢歎菊荒薇老負故人猿鶴舊隱難招疎花漫
捺愁思無句到寒梢但夢繞西冷空江冷月魂斷隨潮

前調

有懷東園

周密

記花陰剪燭柳影飛梭庭戶東風綵筆爭春豔任香迷
舞袖醉倒歌叢畫簾靜捲春晝雲剪玉玲瓏奈恨絕冰
絃塵侵翠譜別鳳引離鴻駕籠怨春遠但翠冷閒階

墜粉飄紅事逐年華換歎水流花謝燕去樓空繡鴛暗
老薇逕殘夢遶雕櫳悵寶瑟無聲愁痕沁碧江上孤峯

二郎神

又一體雙調
一百四字

二郎神

七夕

柳永

炎光謝過暮雨芳塵輕灑乍露冷風清庭戶爽天如水
玉鉤遙掛應是星娥嗟久阻叙舊約颺輪欲駕極目處
微雲暗接耿耿銀河高瀉閒雅須知此景古今無價

運巧思穿鍼樓上女擡粉面雲鬟相亞鈿合金釵私語
處笑誰在回廊影下願天上人間占得歡娛年年今夜
春從天上來

又一體雙調
一百四字

春從天上來

見故宮
人感賦

王 惲

羅綺深宮記紫袖雙垂當日昭容錦封香重彤管春融
帝座一點雲紅正臺門事簡更捷奏清晝相同聽鈞天
侍瀛池內宴長樂歌鐘 回頭五雲雙闕恍天上繁華

玉殿珠櫳白髮歸來昆明灰冷十年一夢無蹤寫杜娘
哀怨和淚點彈與孤鴻淡長空看五陵何似無樹秋風

前調

廣陵冬夜
和松雲子

張翥

嫋嫋秋風聽響徹雲間彩鳳啼雄羸女飛下玉佩玲瓏
腸斷十二臺空渺霜天如海寫不盡楚客情濃燭銷紅
更鏘金振羽變徵移宮揚州舊時月色歎水調如今
離唱誰工露葉殘蛾蟾花遺粉寂寞瓊樹香中問坡仙
何處滄江上鶴夢無蹤思難窮把一襟幽怨吹與魚龍

齊天樂

又一體雙調
一百四字

齊天樂

填溫飛卿
江南曲

衛元卿

藕花洲上芙蓉檝。羞郎故移深處。弄影萍開，搴香袖。眉
顰花洲上芙蓉檝。羞郎故移深處。弄影萍開，搴香袖。眉
顰鵲雙雙飛去。垂鞭笑顧。問住否。橫塘試窺簾戶。妙舞
妍歌甚時相見。定相許。歸來顚顚錦帳。久塵金犢。憶
連娟黛眉顰。嬾扇底紅鉛。愁痕暗漬。消得腰支如杵。鸞
弦解語。鎮明月西南。伴人淒楚。悶拾楊花。等閒春又負。

霜花腴

雙調一百四字此
吳文英自度曲也

霜花腴

重陽前一
日泛石湖

吳文英

翠微路窄醉晚風憑誰為整
敔冠霜飽花腴燭銷人瘦
秋光做也都難病懷強寬恨
雁聲偏落歌前記年時舊
宿淒涼暮烟秋雨野橋寒
妝靨鬢英爭艷度清商一
曲暗墜金蟬芳節多陰
蘭情稀會晴暉稱拂吟箋
更移
畫船引珮環邀下嬋娟
算明朝未了重陽紫萸應耐看

月中桂

雙調一百四字

月中桂 送杜仲微赴闕

趙彥端

露醕無情送長歌未終已醉離別何如暮雨釀一襟涼
潤來留佳客好山侵座碧勝昨夜疎星淡月君欲翩然
去人間底許員嶠問帆席詩情病非疇昔賴親朋對
影且慰良夕風流雨散定幾回腸斷能禁頭白為君煩
素手薦碧藕輕絲細雪去去江南路猶應水雲秋共色

水龍吟

又一體雙調
一百四字

水龍吟

游釣臺

葛立方

九州雄傑溪山遂安自古稱佳處雲迷半嶺風號淺瀨
輕舟斜渡朱閣橫飛漁磯無恙鳥啼林塢弔高人陳迹
空瞻遺像知英烈誰千古憶昔龍飛光武悵當年故
人何許羊裘自貴龍章難換不如歸去七里溪邊鷓鴣
源畔一蓑烟雨歎如今宕子翻將釣手遮日向西秦路

前調過溪

張孝祥

平生只說浯溪斜陽喚渡秋船繫月華未吐波光不動
新涼如水長嘯一聲山鳴谷應棲禽驚起自顏元去後
水流花謝當年事無人記 須信兩賢不死駕飛車時

遊此地漫郎宅裏中興碑下應留屐齒酌我清尊洗君
孤憤來同一醉待相期把袂清都歸路騎鶴去三千歲

前調

望九華作

張孝祥

竹輿曉入青陽細風涼月天如洗峰回路轉雲舒霧捲

了非人世轉就丹砂鑄成金鼎碧光相倚料天闕虎守
箕疇龍負開神祕留茲地 縹緲朱幢羽衛望蓬萊初
無弱水仙人拍手山頭笑我塵埃滿袂春鎖瑤房霧迷
芝圃昔游都記悵世緣未了匆匆又去空凝佇煙霄裏

前調

又一體
醉醺

趙長卿

韶華迤邐三春暮飛盡繁紅無數多情為與牡丹長約
年年為主曉露凝香柔條千縷輕盈清素最堪憐玉質
冰肌婀娜江梅漫休爭妬 翠蔓扶疏隱映似碧紗籠

罩越溪游女從前愛惜嬌姿終日愁風怕雨夜月一簾
小樓魂斷有思量處恐因循易嫁東風爛漫暗隨春去

永遇樂

雙調一百四
字一名消息

永遇樂

柳永

天閣英遊內朝密侍當世榮遇漢守分麾堯庭請瑞方
面憑心膂風馳千騎雲擁雙旌向曉洞開嚴署擁朱旂
喜色歡聲處處競歌來暮吳王舊國今古江山秀異

人煙繁富甘雨車行仁風扇動雅稱安黎庶棠郊成政
槐府登賢非久定須歸去且乘閒弘閣長開融尊盛舉

前調

蘇軾

明月如霜好風如水清景無限曲港跳魚圓荷瀉露寂
寞無人見統如五鼓鐸如一葉黯黯夢魂驚斷夜茫茫
重尋無處覺來小園行徧天涯倦客山中歸路望斷
故園心眼燕子樓空佳人何在空鎖樓中燕古今如夢
何曾夢覺但有舊歡新怨異時對南樓夜景為余浩歎

前調送孫巨源

蘇軾

長憶別時景疏樓下明月如水美酒清歌留連不住月
隨人千里別來三度孤光又滿冷落共誰同醉捲珠簾
淒然顧影共伊到明無寐今朝有客來從淮上能道
使君深意憑仗清淮分明到海中有相思淚而今何在
西垣清禁夜永雲華侵被此時看迴廊曉月也應暗記

前調眺望

蘇軾

天末山橫半空簫鼓樓觀高起指點栽成東風滿院總

是新桃李綸巾羽扇一尊飲罷目送斷鴻千里携清歌
餘音不斷縹緲尚縈流水 年來自笑無情何事猶有
多情遺思緋鬢朱顏匆匆揀了却記花前醉明年春到
重尋幽夢應在亂鶯聲裏拍闌干斜陽轉處有誰共倚
前調

晁補之

松菊堂深芰荷池小長夏清暑燕引雛還鳩呼婦往人
靜郊原趣麥天已過薄衣輕扇試起遠園徐步聽衡宇
欣欣童稚共說夜來初雨 蒼官逕裏紫葳枝上數點

幽花垂露東里催鉏西鄰助餉相戒清晨去斜川歸興
條然滿目回首帝鄉何處只愁恐輕鞭犯夜灞陵舊路

前調端午

晁補之

紅日葵開映牆遮牖小齋端午杯展荷金簪抽笋玉幽
事還堪數綠牕纖手朱匳輕縷爭鬪綵絲艾虎想沈江
怨魄歸來空惆悵對菰黍朱顏老去清風好在未減
佳辰歡聚臘酒深斟菖蘂細糝圍坐從兒女還同子美
江村長夏閒對燕飛鷗舞算何須楚王雄風方消畏暑

前調

解昉

風暖鶯嬌露濃花重天氣和煦院落煙收垂楊舞困無
奈堆金縷誰家巧縱青樓絃管惹起夢雲情緒憶當時
文衾絮枕未嘗暫孤鴛侶芳非易老故人難聚到此
翻成輕誤閨苑仙遙蠻牋縱寫何計傳深訴青山綠水
古今長在惟有舊歡何處空贏得斜陽暮草淡烟細雨

前調

午日

周紫芝

槐幄如雲燕泥猶濕雨餘清暑細草搖風小荷擎雨時

節還端午碧羅牕底依稀記得閒繫翠絲烟縷到如今
前歡如夢還對絲條無語 榴花半吐金刀猶在往事
更堪重數艾虎釵頭菖蒲酒裏舊約渾無據輕衫如霧
玉肌似削人在畫樓深處想靈符無人共戴翠眉暗聚

前調

葉夢得

蘋芷芳洲故人回首雲海何處五畝荒田殷勤問我歸
計真成否洞庭波冷秋風嫋嫋木葉亂隨風舞記扁舟
橫斜載月目極暮濤煙渚 傳聲試問垂虹千頃蘭棹

有誰重駐雲濺雷翻潮頭過後帆影斂前浦此中高興
何人解道天也未應輕付且留取千鍾痛飲與君共賦

前調

趙師俠

秋滿蘅皋滄雲籠月晚來風勁一抹殘霞數聲過雁還
是黃昏近憑高臨遠倚樓凝睇多少斷愁幽興聽漁村
鳴榔隱隱別浦暮煙收暝湘妃起舞芳蘭紉佩約畧
亂峯雲鬢景物悲涼楚天澹淡過盡歸帆影斜陽低處
遠山重疊蕭樹亂鴉成陣空無言闌杆凭暖悶懷似困

前調

金林
檣

趙師俠

日麗風暄暗催春去春尚留戀香褪花梢苔侵柳徑密
幄清陰展海棠零亂梨花淡泞初聽鬧空鶯燕有輕盈
妍姿靚態緩步閨風仙苑綠叢紅萼芳鮮柔媚約畧

試妝深淺細葉來禽長梢戲蝶簇簇枝頭見酡顏鬢髮
春愁無力困倚畫屏嬌軟只應怕風欺雨橫落紅萬點

前調

秋夜
有感

李綱

秋色方濃好天涼夜風雨初霽缺月如鉤微雲半掩的

樂星河碎燕來軒戶涼生枕簟夜永悄然無寐起徘徊
憑闌凝佇片時萬情千意 江湖倦客年來衰病坐歎

歲華空逝往事成塵新愁似鎖誰是知心底五陵蕭瑟
中原杳杳但有滿襟清淚對蘭缸呼童取酒且圖徑醉

前調

梅子

楊无咎

風褪柔英雨肥繁實又還如豆玉核初成細腮尚淺齒
軟酸凝透粉牆低亞佳人驚見不管露沾襟袖折一枝
釵頭未揜應把手搓頻嗅 相如病酒只應思此免使

文君眉皺入鼎調羹攀林止渴功業還依舊看看飛燕
銜將春去又是欲黃時候爭如向金盤滿捧共君對酒

前調 梅雪

辛棄疾

怪底寒梅一枝雪裏只恁愁絕問訊無言依稀似妒天
上飛英白江山一夜瓊瑤萬頃此段如何妒得細看來
風流添得自家越樣標格 晚來樓上對花臨鏡學作
半妝嬌額著意爭妍那知却有人妒花顏色無情休問
許多般事且自訪梅踏雪待行過溪橋夜半更邀素月

前調

京口北固亭懷古

辛棄疾

千古江山英雄無覓孫仲謀處舞榭歌臺風流總被雨
打風吹去斜陽草樹尋常巷陌人道寄奴曾住想當年
金戈鐵馬氣吞萬里如虎元嘉草草封狼居胥贏得
倉皇北顧四十三年望中猶記烽火揚州路可憐回首
佛狸祠下一片神鴉社鼓憑誰問廉頗老矣尚能飯否

前調

宿鷗盟軒

張元幹

月印金盆江縈羅帶涼颼天際摩詰丹青營丘平遠一

望窮千里白鷗盟在黃梁夢破投老此心如水耿無眠
披衣顧影乍聞硴絡緯百年倦客三生習氣今古
到頭誰是夜色蒼茫浮雲滅沒舉世方熟寐誰人著眼
放神八極逸想寄塵寰內獨凭闌鷄鳴日上海山霧起

前調

為洛濱
橫山作

張元幹

飛觀橫空衆山遠向江面相照曲檻披風虛檐挂月據
盡登臨要有時巾屨訪公良夜坐我半天林杪攬浮丘
飄飄衣袂相與似遊蓬島主人勝度文章英妙合住

北扉西沼何事十年風簾露沐不厭江山好曲屏端有
吹簫人在同倚暮雲清曉乘除了人間寵辱付之一笑

前調

陪程金谿躍
馬用其韻

趙彥端

杜曲桑麻灞橋風雪歸夢無路馬健凌秋人閒玩日聊
用寬遲暮搖搖羽扇翩翩鳬舄勝處恍疑仙去笑相看
風林露草古來有誰知趣 黃公壚下山陰亭畔歲月

著鞭如鷺出塞功名入關遊說紙上俱難據論詩說劍
尊前風味天巧却容人覩問少陵酣歌拓戟為誰獻賦

前調

劉儼

青幄蔽林白璫鋪徑紅雨迷楚畫閣闌愁風簾捲恨盡
日縈情緒陽臺雲去文園人病寂寞翠尊尊雕俎惜韶容
匆匆易失芳叢對眼如霧巾欹潤袞衣寬涼滲又覺
漸回驕暑解籜吹香遺丸薦脆小芰浮鴛浦畫闌如舊
依稀猶記佇立一鉤蓮步黯消魂那堪又聽杜鵑聲苦

前調

章使君
席上

黃機

別院春深華堂晝永嘉讌初啟翠玉尊罍紅牙絃管睡

鴨沈煙裏弄晴雲態行空絮影漠漠似飛如墜最多情
紫絲團就錯落亂星流地使君自有元龍豪氣喚客
且休辭醉蝶困蜂酣燕嬌鶯姹歡意濃如此侃其笑語
止乎禮義衣佩細紉蘭芷遙歸去殘更欲盡曉鴉又起

前調

次韻弔青樓

高觀國

淺暈修蛾脆痕紅粉猶記窺戶香斷匳空塵生砌冷誰
喚青鸞舞春風花信秋宵月約歷歷此心曾許銜芳恨
千年怨結玉骨未應成土木蘭艇子莫愁何在漫繫

寒江煙樹事逐雲沈情隨佩冷短夢分今古一抔遙夜
孤光難曉多少碎人腸處空淒黯西風細雨盡吹淚去

前調

七夕
劉隨如

趙以夫

雲鴈將秋露螢照夜涼透牕戶星鈿珠疎月匳金小清
絕無點暑天孫河鼓東西相望隱隱光流華渚妝樓上
青瓜玉果多少駮兒癡女金鍼暗度珠絲密結便有
繫人心處經歲離思霎時歡愛愁緒空萬縷人間天上
一般情味枉了錦箋囑付又何似吹笙仙子跨黃鶴去

前調送春

洪璫

歌雪徘徊夢雲溶曳欲勸春住薄倖楊花無端杜宇抵
死催教去參差煙岫千回百匝不解禁春歸路病懨懨
那堪更聽小樓一夜風雨金釵鬪草玉盤行菜往事
了無憑據合數松兒分香把子總是牽情處小桃朱戶
題詩在否尚憶去年崔護綠陰中鶯鶯燕燕也應解語

前調

遇李氏妝閣
見舊題因賦

吳文英

春酌沉沉晚妝的的仙夢遊慣錦湫維舟青門倚蓋還

被籠鸚喚裴郎歸後秋娘沈恨謾客請傳芳卷聯題在
頻經翠袖勝隔紺紗塵幔 桃根杏葉膠黏絀縹緲幾回
凭闌人換峨眉髻愁雲蘭香膩粉都為多情褪離巾拭淚
征袍染醉強作酒朋花伴留連怕風姨浪妒又吹雨斷

前調

探梅次
時齊韻

吳文英

閣雪雲低卷沙風急驚鴈失序戶掩寒宵屏閒冷夢燈
飈似屑語堪憐牕景都閒刺繡但續舊愁一縷鄰歌散
羅襟印粉袖濕菑桃紅露 西湖舊日留連清夜愛酒

幾將花誤遺韞塵消題裙墨黯天遠吹笙路吳臺直下
細梅無限未放野橋香度重謀醉採香弄影水清淺處

前調 綠陰

蔣捷

清逼池亭潤侵山閣雲氣凝聚未有蟬前已無蝶後花
事隨逝水西園支徑今朝重到半礙醉筇吟屨除非是
鶯身瘦小暗中引雛穿去梅檐溜滴風來吹斷放得
斜陽一縷玉子敲枰香綃落翦聲度深幾許層層離恨
淒迷如此點破漫煩輕絮應難認爭春舊館倚紅杏處

前調

任詢

月已中秋菊還重九夜久涼重滿地清霜半天白曉孤
唱聞耕墾蕭蕭窓几依然琴硯但覺鼠窺風動悔生平
趨前猛甚晚退却成無勇興衰更換妍媸淆混造物
大相愚弄二釁羞人五交賈鶯侯伯寧無種而今此念
消除都盡惟有故山歸夢吾廬更雙溪清遠萬峯翠擁

前調

危復之

早葉初鶯晚風孤蝶幽思何限檐角縈雲堦痕積雨一

夜苔生徧玉牕閒掩瑤琴慵理寂寞水沉煙斷悄無言
春歸無覓卷簾見雙飛燕風亭泉石煙林薇蕨夢繞
舊時曾見江上閒鷗心盟猶在分得眠沙畔引觴浮月
飛談卷霧莫管愁深惟淺起來倚闌干拾得殘紅一片

前調

又一體

馮琦

不願為雲何須似雨但求如雪雨落難收雲濃易散惟
雪稱奇絕亂點梅梢細勻花瓣玉色都無分別倩微風
吹入華軒悄把繡幃輕揭梅鮮偷香雪如傅粉賈女

何郎相悅漏洩春光東皇相妒不得常攀折雪片都消
梅香依舊瘦影侵孤月問何時重上瑤階明歲寒時節

前調

又一體

柳永

薰風解愠晝錦晴和新霽時候火德流光綠圖薦祉累
慶金枝秀璇樞統電華渚流虹是日挺生元后續唐虞
垂拱千載應期萬靈敷祐殊方異域爭貢琛賫架巘
航波奔湊三殿稱觴九儀就列韶濩錡金奏藩侯瞻望
彤庭親攜條吏賡歌元首祝堯齡北極齊尊南山共久

前調

又一體

陳允平

玉腕籠寒翠。闌凭曉鶯調新篴。暗水穿苔遊絲度。柳人靜。芳晝長雲南歸鴈樓西飛燕去。來慣認炎涼王孫遠。青青草色幾回望。斷柔腸。薔薇舊約尊前一笑等閒辜。負年光。闌草庭荒拋梭架冷簾外風絮香傷春情緒。惜花時候日斜尚未成妝。問嬉笑誰家女伴。還又采桑。

御選歷代詩餘卷八十二